

آه! بو دکړک زیر خفایای ظلامی! ... بر حمله قرار، یالکز بر کوچک حرکت؛
اورایه کیده بیلیدی. اورایه کیتمک، بو سیاهلنگ ایچنه، بر دها چیقيلهماز، عودت
اولنهماز درینلکیرینه کیتمک...

دالغله اوزون، قالین برر سیاه ییلان کبی قیورانه قیورانه، یووارلانه یووارلانه
آچیلیور؛ بللیسر بر اسان ایله زیر نکاهنده ظلمتلك ابعاد بی نهایته سنه دوغرو سریلهرک
اونی دعوت ایدیوردی.

بوکونلرک آغوش سیاهنه آتیلیمق، یارین دوغاجق اولان اوکونشک سفالت حیات
ایله استهزا ایدن ضیاسندن قاچق، الی الابد بو ظلمت هیچی ایله شو آسودکی بزم عدم
ایچنده یووارلانوب کیتمک.

او زمان کنیدیسنی بو دالغلهلرک آراسنده سوزولوب لطیف بر مستیء تجرد موجودیت
ایله غشی اولهرق، اعصابی اوپوشهرق دکړک او بی پایان اوچورملرینه دوغرو اینیور
وهم ایتدی. اینیور، بر سقوط بی نهایته ایله، ظلمتلی طیقه طیقه یارهرق، شو امواج
سیاهی کتله کتله صیرتنه آلهرق، یواش یواش، بر آهنگ منتظمه، عدمه بر سکون
تسلیمیتله اینیوردی. اوت، بر حمله قرار، یالکز بر کوچک حرکت، بی نصیب کچن
حیاتیه شو بی فائده وجود آراسنده بو دکړک بوتون طبقات ظلامنی بر سلسله اسداد کبی
برافهرق تا شو عمان دیجورک عمق قعر نایابنه قدر اینه جکدی. ناکهان سیلکندی...
تا یانی باشنده بر سس:

— جمیل، نیچون قراکلقده یالکز اوپوریورسک؟ دیوردی.

او وقت تیریهلرک آیاغه قالقدی: «کنیوردم، آنته!...» دیدی، و، بو نومبد
حیات، یواش یواش، بو سیاه کیجهدن، شو رنگ جاذب عدمدن آریلهرق، آنته سنی
تعقیب ایتدی...

(Ist. 1317, s. 415 - 417، مانی و سیاه)

عشاقی زاده خالد ضیا

عمر مخیل

بر عمر مخیل . . . ہانی کلبنلر ایچنندہ
بر قوشجغزک عمر بہاریسی قدر خوش ؛
بر عمر مخیل . . . ہانی کوللردہ ، یشیل ، بوش
کوللردہ ، او صافیت وجد آور ایچنندہ
بر طالغہجغک عمری قدر زائل و مغفل
بر عمر مخیل!

يالکمز ايکيمز ، برده او : معبوده شعرم ؛
يالکمز ايکيمز ، برده اونک ظل جناحی ؛
خاکيلره بخش ايليهرك خاک سياهی
دوشنده بياض بر بولوطک کولکره عازم .

هر سخن حقيقتدن اوزاق ، هر کسه مجهول ،
بر صفوت معصومه نك آغوش ترنده ،
بر ليله عشقک متائی سحرنده
يالکمز ايکيمز صيد خيالات ايله مشغول .

صوتکده کی اشعار پر آهنگ ايله مالی ،
شعر مده کی الحان محبتله نغمساز ،
آه ايستيورم ، کولکره آماده پرواز -
بر لانه آواره ده بر عمر خیالی ...

بر عمر خیالی ... هانی کلبنلر ايچنده
بر قوشجغزک عمر بهاريسي قدر خوش ؛
بر عمر خیالی ... هانی کوللرده ، یشیل بوش
کوللرده ، او صافيت وجد آور ايچنده
بر طالغه جغک عمری قدر زائل و خالی
بر عمر خیالی ...

(Ist. 1327, s. 142 ، رباب شکسته)

توفيق فکرت